

摘藻堂四庫全書薈要

集部

欽定四庫全書薈要

集部

御製詩初集卷四十三

四

詳校官原任編修臣徐立綱



欽定四庫全書薈要卷一萬三千三百十六

集部

御製詩初集卷四十三

古今體九十五首

丁卯七

避暑山莊

勝地關離宮時巡駐蹕同金行邊塞外

聖日照臨中翠栢千秋色青嵐四面通
洗塵飛好雨傍晚更濛濛

隔歲駐山莊山容鎮似常風來花作態
雨過草生香小

鳥窺簾捲清琴倚壁張

含飴叨厚澤觸景那能忘

烟容罨翠岑
逐處稱幽尋
石秀今秋草
潭明古月心
蘚蛩吟露冷
革鹿度雲深
極頂衆山小
悠然暢遠襟

雨中對瀑之作

膩雲四合傍峰低
借助飛泉繡壁西
可是山靈解人意
每教秋雨湊詩題

前年駐此亦有雨中聽瀑詩

琴音上下聽來合雪

色繽紛望裏迷
石鼎烹雲纔片刻
即看新水漲前溪

色色聲聲總淡如悠游而眺靜聽諸不經意作吟無盡
恍可人懷會有餘跳沫錦鱗依石岸飲泉蒼鹿下林間
賞觀底事登廬阜妙處當前寔起予

荷

紅霞翦翦艷吳紈閑掃新裝鏡碧瀾漫謂遲開緣候異
却辭早謝待人看風前弄影還依柳雨裏霏香欲賽蘭
芝徑雲堤清賞處

三十六景之一

幾多丰韻鬥秋寒

漢玉赤刀歌

出匣寶氣騰葱鬱秋水一灣落霞拂游及恢恢豈少刷
疑有丁甲相呵噉蟠虬之而鼉采蔚當年西序橫陳物
介紹大訓連朱希姬室文明此黼黻遐思成康不可迄
涼

塞雨能增冷秋山不障寒馬蹄輕可試鷹羽勁思搏隼
草將霏白巒楓欲作丹總催秋稼納農慶築場寬

避暑山莊百韻詩

有序

我

皇祖建此山莊於塞外非為一己之豫遊蓋貽萬世之
締構也國家承

天命撫有中外於古未有之地盡入版圖未服之國皆
受封爵而四十八旗諸部落屏蔽塞外恭順有加
每歲入朝錫賚燕饗厥有常典但其人有未出痘
者以進塞為懼延頸舉踵以望

六御之臨觀光欽德之念有同然也我

皇祖俯從其願歲避暑於此鱗集仰流而來者無不滿

志以歸且也三代以上無論矣三代以下享國最久者莫如漢唐宋明然四姓皆一再世而變亂生焉是豈

天心之急眷亦人事之偷惰寔致之我

皇祖有鑒於此故自三逆底定之後即不敢以逸豫為念巡狩之典或一歲而二三舉行耗財勞衆之論夫豈不慮然而凜

天戒鑒前車察民瘼脩邊防合內外之心成鞏固之業

習勞苦之後懲宴安之懷所全者大則其小者有
不必恤矣使誠以遊治是尚即深居九重厭見百
辟恣聲色怠政事誰其禁之而必往來沙塞風塵
有所不避飲食或致不時以是為樂固未見其樂
也予小子自十二歲蒙

皇祖恩養育宮中侍奉左右扈蹕至此親見

皇祖高年鬚白允宜頤養尚且日理萬幾暇則較射習

網閱馬合圍雖

天行之健自彊不息亦

聖度之恢與時偕行也故繼序以來敬惟

昔日時巡之意更值四方寧謐之時實不敢使文恬武
嬉以隳

聖祖之家法而每駐蹕山莊羹牆之見雲日之瞻惻然
有不能自己者敬成百韻略

識

皇祖卷阿之遺志并申孫臣孺慕之悃誠云爾

開國超三代承

天撫八陲鴻功常有赫

厚貺本無私於古亶騰邁而今被皞熙顯承

三聖緒底奠萬年基滇海銷兵靜王庭納幣馳玉關閒
戍壘銀渤息鯨鬣以守還兼創居安不忘危時巡曾見
舜即辟詎惟岐勝境山靈秘昌時造物貽來遊頻可托
經始乃於茲土木原非亟山川已獻奇製猶尊土砌巧
不尚雕栴掖輦

慈顏豫揮豪

天藻摘劬農咨寶穡勤政飭鳩司鳥獸歸咸若天喬總
蔚而賢王誠愛戴好爵豈羈縻内外一家合休和百世
裨

六龍天浩浩四牡歲駸駸願養

精神健疇咨經緯施故知非適已實以蘊深思况匪牟
畊地何曾費帑資給支需內府結構宛蘭錡卓立峯名
磬橫拖嶺號獅灤河鍾坎秀單澤擅坤夷繚堵依巖迴

周廬寫月規陟原量遠近列表度參差宛似天城設無

煩班匠治就山為傑閣引水作神池允矣儉斯稱佳哉

奢豈為景標三十六章綴畫圖詩次第聊申咏規模略

可窺烟波欣致爽景物首應推

右烟波致爽

芝徑逶迤接雲

隄左右歧

右芝徑雲隄

延清三伏日

右無暑清涼

解愠五絃絲

右延

薰山館巖秀原增壽水芳可謝醫擇宜開牖宇攝靜適襟

期

右水芳萬壑松風奏千秋畫幃披

右萬壑松風

清溫維

色養清越合神怡

右松鶴清越

勝地臨平野高樓納遠思

右雲

山勝雲嵐四面崙斗室幾楹宜

右四面雲山

北枕巒凌漢

右北

枕雙峯

西瞻霞挹曦

右西嶺晨霞

鍾峯長矗矗

右鍾峯落照

雪岫更

疑疑

右南山積雪

碧月白梨院

右梨花伴月

紅荷綠水湄

右曲水荷香

風泉清聽滿

右風泉清聽

濠濮素心隨

右濠濮間想

日監欽

天綈雲牕俯玉墀層霄宛可接夏宇暢無涯

右天宇咸暢暖

溜蒸靈液暄波漾淺漪心神堪澡雪興會益淋漓

右暖溜暄

波

石壁泉源邃

右泉源石壁

青楓綠嶼跬

右青楓綠嶼

戴顓聽偶

慕

右鶯嘯喬木

周子愛堪師

右香遠益清

花以金名貴根從佛地

移右金蓮映日飛流頻詠李天樂不須變右遠近泉聲月舫浮芳

沼雲帆掛翠屐右雲帆月舫臨流弄竿綫右芳渚俯水鑑鬚

眉右雲容水態繞石鳴琴筑右澄泉遠石澄波疊錦綦右澄波疊翠熊

飛寧待夢魚樂或能知右石磯觀魚鏡水風微縞披來若渺

瀾雲岑態多幻望去忽欽崎右鏡水雲岑夾鏡湖光滙右雙湖夾

鏡長虹練影歌右長虹飲練甫田多瑞穀鼓槌出喬枝右甫田鼓

槌流水心無競閒雲意與遲右水流雲在三山依約在四序

始終之大塊文成繪

聖人情見辭嘉茲仙境擴致彼物華滋隴麥雙歧挺町
禾九穗纍實堅還實好維秬亦維秠瓜圃青丸綴疏畦
紫葍垂珠櫻春爛爛玉李夏離離恍覩幽風象奚妨文
囷遺綏豐願寰宇祈歲肅

黃祗綠野覲膏厚單椒豐草彌牕暄裊書帶石古長鳬
茨杜若芳繁尉江離態鬱漪信堪蕃垌牧便以試纖驪
驛駱駟駟駟駟駟駟駟駟駟駟駟駟駟駟駟駟駟駟駟駟駟
木惟松柏鼓生有杞楨丹楓將翠椽堤柳更庭椅為悅

長林茂爰來野獸祈跳騰推赤豹雄健獨黃羆仙有書
牌鹿官無入澤麋惟應育麟鳳豈許匿狐狸羽客青田
種文禽丹岫姿書空成篆籀刷羽接果愚每見鱣魴麗
何勞鴈蚌持美無丙穴鯉品奪富春鮒凡此嘉生富要
歸

茂對時幾曾許豫大彌復厪寒飢經國留規範籌邊肇
保釐每來增惕息言念重吁噫歲月何云速
恩勤不可追省方頻駐蹕觸景憶含飴

聖日常懸照秋風轉益悲

天施誠浩蕩神器重肩仔敢復圖休逸惟期矢敬寅外
安先內撫夕訪並朝咨天運欽調幕人情畏舉慕古今
垂炯鑒書史足元龜

遺烈毋忘

祖揚休祇愧台績承奕禩勉

福履萬年綏

清舒山館

近樹遙峰罨翠光
清秋偶此憇山房
依然前歲來遊地
重撚吟髭爾許長

山泉過雨冽而清
更折枯枝松下烹
一縷纔看林際出
片雲忽與半空橫

蛩語花香秋未闌
畫屏書幌曉先寒
泉淙劍峽琴誰弄
橡墮苔枰碁自彈

鹿來谷口窺人立
魚向溪頭唼藻浮
萬彙機緘歸易簡
當前妙蘊足研搜

義圖虞典陳班几流水高山寄玉琴要識清舒最佳處
一溪一壑稱人心

駐蹕波羅河屯

涼颼獵獵裊旌旂乾鵲喧鳴霽景浮塞外山川還似昔
谷中禾黍摠登秋離宮平楚依清賞金令豐原事大蒐
鱗集名藩環道左愧予何德此懷柔

曉行

曉行亘驛路衿衣侵峭涼愛此晨曦殷離離白露光馬

度阪莎濕風拂崖荔香山田銅雀鳴秋稼如雲黃誰云
地利遺墾植彌遐荒究不免飢寒翻以增徊徨

新月

西宇遙看掛玉弓中秋數

上聲

日未云中已勝十一月中

月普照三千空外空

椒風荔影共徘徊疑是仙家白玉臺漫說錢塘潮好看
萬山齊赴湧金堆

朦朧烟樹夜齋清借助遙村雙杵鳴會得前秋詩境界

太虛何物惹閒情

沈家村

前歲沈家村他處歎秋比較好今歲沈家村却同他處
登萬寶安得遍海宇皆似沈家村旱暵可肩滂可洩五
穀常獲孳鷄豚村內老翁抱其孫憮然獨不喜蹙眉相
與言三時勤農實已憊遠近俱收向誰賣

行營

峻嶺天城野甸寬幔廬帳殿鬱龍蟠千軍牧圉如星拱

萬幕旌旗入畫省行漏遠過計里鼓挈壺傑豎相風竿
省方修武欽

先制創守還思孰易難

拚花

山花無名致總佳淺絳深黃爭倩若詩人畫客幾曾經
雁塞龍堆欣所託丁星玉露且鮮妍搖曳金風未落寞
掛鉶聊與作清供依舊前秋瓊室樂恰似文殊示善財
採來莖草無非藥

塞山

塞山紛合沓遠近望中分
有樹都張錦無峰不範雲
馬前橫黛影空際疊螺紋
孫綽天台賦那如大塊文

雨

塞雨灑涼秋山雲湧似流
輕寒增幕底野水漲谿頭
牧馬嘶聲壯飢鷹側翅愁
命車傳罷獵聊學魏文侯
止頓就平崖千廬次第排
攻車雖有制漸石亦堪懷
楓嶺湔紅葉蘭皋潤綠菱
消閒帷殿裏書史作生涯

晴

急雨如飛晴亦速
衿衣馬首頓生涼
擘雲朱鳥天中杲
朗照千峰紫翠光

賜宴諸外藩

豹尾龍旌駐塞陲
穹窿帷幕慶雲披
底將外視稱甌脫
即看來賓逮月支
千禩永遵清制度
中朝間去聲用漢威儀
桐官三爵何須限
正是秋高湛露時

椒風

芻芻椒風壯商聲果是商入林驚落葉隔嶺淡晨光藉
草全霑露純棉且禦涼吟成聊紀節屬賦讓歐陽

錦樹

錦樹高低倚翠嶒風前作態恰相應霜飛碧落天容與
曦晃赤城霞蔚蒸詎必芝蘭誇有味還教松栢結為朋
山靈點染工神術畫裡闕種得未曾

獵

金韞秩序玉旻清大獮乘時晃旆旌雲棧迥疑懸索度

川塗還教貫魚行
午原合處規弓滿
曉翼舒時象鳥征
虎園豹房休更築
谷蟲左右是林衡

八月初十日對月有作

東嶺漸徘徊
流光朗磧臺
弓弦將欲滿
桂樹若為栽
五
日何須盼中秋
依舊來棘闥
相照處遙企得真才

曉行即景

夜雨釀晨寒
曦輪隱峯半
旋旋暖光吐
林樾增輝絢
露
重馬蹄濕
巒迴鳥道轉
曠谷捲千幕
野火騰餘燹
氣壓

不能升結作白雲片始穿雲際出忽據雲上看乃知嵐
靄奇總自人意幻攬轡立斯須清吟紀所見

興安絡緯至小而色綠率筆圖之無題以句

依稀果羸負螟蛉塞草霏黃尚作青可惜徐黃曾未覩
為傳蠕動補蟲經

莎坂蒼烟動股鳴雲閒天淡磧垣清若教賦質榆關裡
答響流黃更覺情

跂跂脉脉露華枝欲上寒英意轉遲大小略殊年益畫

牟益構衣圖續入石渠寶笈中神品也

風流渾脫惠連詩

何必花棚草舍尋一番畫取更長吟
閒聽靜想評形似
璵室清宵冷逼衾

中秋日侍

皇太后宴

野曠高秋淨天空
素月光漢懸蟾閣影
風送桂輪香露
宇宵方永帷宮夕未涼
南山應有約隔歲一

稱觴

塞外行圍間歲舉行
率值中秋節令云

中秋即景

豈誇朗朗與昭昭
大漠淒清天泐寥
萬里陰晴同此夕
千秋吟賞逮今宵
繁絃急管聲翻鬧
瓊室藤牕興自饒
莫更翠峰升極頂
嫦娥那許便呼招

疊舊歲中秋帖子韻并令梁詩正蔣溥和之

有序

羲和轉歲仍當少
吳蕭辰塞磧宜秋
恰值望蟾佳
節眇側峯與橫
嶺都歸朗照之中
更荔露而羅煙
總助廣寒之景
單椒止頓萬幕雲
披蘭殿稱觴干

秋山對歡同中外翠瓜并花餅分頒澤逮輿僮原
鹿與澤麋遍及又何必中庭地白歎秋思之誰家
塞外草衰感邊聲之四起者哉因思鸞牋綵帖創
自去年便教步韻連吟用酬今夕縱非形墀瑣闥
陪屬車者越有鄒枚何妨摘藻拈豪居右座者莫
期司馬爰成首倡各進載賡

風清月白好秋閒應節吟詩不可刪底事今宵輪見早
此山高外更無山

嫦娥還守一輪光
彷彿風吹桂子香
今夕三條銀燭下
萬人昂首眄雲匡

帖子宜春例可師
堆盤瓜餅入新詩
偶拈舊韻瓊帷裡
不異秋風太液池

籟是仙韶松是樓
廣寒法曲讌中秋
便教即景龍堆畔
也勝徵詞玉殿頭

聞雁

暖氣泛楚江
肅肅雁北鄉
北人謂之來
南人謂之往

叶

塞垣寒氣早雁赴衡陽期北人謂之往南人謂之來叶
乃知往來無定論隨陽豈解分主賓霜夜嘹嘹數聲度
又是一番詩意新

曉月

泣露淒風碧漢陲寒光偏共曉光披莫嫌規影將虧半
不讓團圓三五時

蕭疎涼影落楓楸白處微知澗水流西嶺不教飛度速
應緣回首惜中秋

大漠四更山吐月秋風八月馬嘶晨前年詩景分明在
瑩目清光不染塵

山雨

山雨斜飛馬上看崿峰浴翠樹湔丹溟濛作勢霏林霧
倏忽奔流漲峽瀾麥隴菜畦方沐澤檀廬布帳湯愁寒
清吟別有關心處萬慮何能一憾歡

呦鹿

呦鹿秋深鳴其聲隔澗聞雄者各護雌爭長難同羣合

園廣甸中麇麇乃畢臻避人相率馳命侶無區分不惟
忘妬猜而轉情相親閱墻外禦侮默然何況人

閱本口占

此豐彼歉總難同物理人情豈易窮只有孜孜勤政意
無分塞外與宮中

霜

塞垣先識冷白露早為霜度草無留綠霏林不約黃蕭
森餘夜氣熠燿晃晨光鴻雁偏知信南飛叫數行

楓

邇日晨霜重巖楓盡作丹樹中傳正色塞外識金官照
日疑霞爛經風惜露殘林深鹿呼侶枝靜鳥梳翰變幻
煙雲狀繽紛錦繡團山靈工點綴正及鞞鞭看

氊廬

不陋非奢慶有那移行惟藉一封駝年華就裏常如舊
詩思於中強半多金韋篆紋垂皴穗紙窓月影裊烟蘿
每叅性理消清暇即境還同安樂窩

夷齊松歌

逾僧機圖之嶺而南折而少西有松焉側倚翠壁
俯臨迴谿雙榦遙撐干雲霄而上者以尋丈計其頂
乃虬盤埴堦若樓若宮自遠望之謂兩樹之生有
如此相肖乎及至樹下寔則同根也乃名之曰夷
齊松而繫以歌

有山盤盤有水潺潺逢二老分其間遠而望之前者友
而後者恭若伯仲也近而睇之日斯邁而月斯征乃

同根生也二老之芳踪吾不得而知也考之古則有其
人曰夷齊也夫何餓西山而僵仆者挺朔漠而輪囷惟
彼與此兮孰主孰賓豈惟周粟之不食兮蓋自賦質以
來曾烟火之未親詎黃農虞夏之不可見兮元黃初判
落落者與天地而長存雪覆曦暄何涼何燠夏茂冬彫
何同何獨獸伏鳥棲何徵何逐胡倚羸封何榮何辱吁
嗟大隱兮視此山木

山市行

海客談蜃樓絳宮明滅杳難覩齊人詡瀛洲三島荒唐
無處所豈如山市擅奇觀惜乎初未聞之古秋山行旅
舊曾圖烟樹蒼茫知幾許水氣嵐光同一如爰為標名
詩以譜雁塞龍堆萬嶺盤風清霜白九秋序曉星初上
殘月明寥天將曙朱輪吐停鞭絕頂少徘徊山晉蒼蔚
纔一縷非烟非霧復非雲如嶽如樓更如槽湏臾變幻
滿空白幾點金焦露齟齬翠柏丹楓時隱現陡壁懸崖
互容與乍合倏離難捉摸馬騰波赴誰部伍如從雲海

泛騫槎咫尺琳宮並瑤圃
谷神遊戲有是哉
畫家留白此鼻祖

哨鹿

幼鹿鳴深秋
虞人哨致之
格物有會心
祇緣聲應隨
哨鹿古未聞
美如鶴雉媒
深澗一聲鳴
麋麋爭長來
曉起登崇山
山下止頓所
萬燈如列星
秋池浸天宇
即鹿以類招
偶一試其技
鹿來固欣然
鹿去亦可喜

暖

侵尋軟暖變輕寒，柳尚拖青楓半丹。因識秋光留避暑，

木蘭行獵畢將迴
蹕避暑山莊

從教涼意別興安。風緣谷曠全非峭，

天為山䟽漸覺寬。菜圃蕎畦均倍獲，農功南望頓生歡。

九月朔日作

夜雨漲野水，曉風驅絮雲。驛路九秋景，客鞭涼露晨。鹿
柴有人家，烟火東西鄰。塞行將及月，聞雞意却欣。萬里
玉關外，憶彼長戍人。

迴鑾至波羅河屯

大獮時修返翠壘築場正及按途看村炊香氣騰饅粥
頓解心顏為益餐

比櫛崇墉似去秋今來稍解望年愁長官道左休詩稔
畊九餘三好共籌

行宮秋景尚清嘉喜先重陽對菊花丹翠林光依畫壁
淺深山色入憲紗

菊

閒階破萼鬪輕涼隔歲重看正色黃秋卉中宜作盟主

春園畔不逐花王名標隱逸真孤調態洗鉛華祇靜芳
底用飲泉方益算千秋已見壽柴桑

晚節秋容迥出羣離宮靜對意彌欣寒蟲借助酬清韻
爽籟依稀送逸芬風度獨臻無色色品題何事謾云云
却饒前歲重陽景把筆拈花傲朔雲

村行

山田收罷圃場盈拍拍時聞耒板聲一路好秋經飽看
思量不負犂鞭行

陰槐環柳柴扉接背嶂臨溪板屋重不道古來征戍地
家家水碓熟冬春

老翁曝背繞兒孫莫笑田家老瓦盆東舍炊烟引西舍
後村流水到前村

韭圃松畦生意足豆棚瓠架葉聲乾從容茅店客終歲
迤邐蘭衢破曉寒

點綴霜華白石津華門隱映靜無塵隔林却見青帘颭
便有尋廬問酒人

婦織男耕長作計雞鳴狗吠鎮相聞即看邊外閭閻富
百歲熙和豈易云

即景

萬嶂自縝紛中峰獨出羣紅霏殷露葉白重護霜雲漲
影懸崖落剽聲古寺聞詩人易看待點筆與平分

一嶺界雙水雙流匯一溪問誰為布置莫與識端倪
鳥呼名異山田納稼齊侵鑣寒氣重滿谷霽烟低
素節淒清裏秋山來往中賞心隨所遇拈詠詎從同樹

耐微霜綠峰銜落照紅
豁然無點翳寄興在長空

木蘭迴園駐蹕避暑山莊

山容紫翠劇增憐
迎面西風大
猶旋別館重來纔隔月
六驄此去動經年
荷如憶夏從新豔
樹不言涼以意傳
回首朔雲稠疊處
射鴻應在那層邊

秋深潦水盡寒塘
鳬雁乘波下
幾行翠管誰教翻楚曲
疏眉雅解易
唐粧楓排列嶂
欺霜綠菊先重陽
冒雨黃
即景試吟親切句
每因代謝悟真常

晚荷

御湖芙蓉強半紫山莊菡萏如霞美
初來時節乃新秋
謂是偶然耐寒爾塞垣旋蹕近重陽
尚有臨波纈紅綺
宛向霜天共菊芳
依然露嶼同葭倚
南暄北冷殊未然
彼屈此伸固其理

江南潮災歌

乾隆丁卯七月望蘇松罹海潮之患
崇明南匯為最重
連延數州縣
漂室廬溺老幼
不可勝計
督撫

奏報賑救之策亦既殫力竭心而下詔蠲稅截漕
更復多方籌畫然遙顧災黎憾憾不能去諸懷夫
六幕不調洪波示警伊誰之咎歟爰效杜甫同谷
作歌之體為江南潮災歎用示督撫諸臣兼以自

訟云爾

江南古來稱澤國十歲九澇患不息集議為謀疏浚方
補救惟應盡人力潮災數十歲一遇不先不後於茲值
嗚呼一歌于歌始辭遙遙南望興嘆咨

有奏有奏自南來七月望日潮為灾天網淳滴洪濤湧
氣壓百川為倒迴縱有禹也應束手胥為魚矣惟增哀
嗚呼二歌子歌再陳披奏到今常感辛

蘇松郡邑濱大海叶民乏那堪遇凋瘵一夕風濤多沒

淪南滙崇明首稱寂去歲淮揚河患重胡乃灾傷一時
會嗚呼三歌子歌放言波臣何處為招魂

彼時聞道多東風赤龍奮怒長蛟洪奮翼變蛟借勢雄
磨牙礪爪思腹充萬間茅屋如捲蓬須臾化作馮夷宮

嗚呼四歌子歌四疊傷哉吾民命輕葉

民命輕於葉可傷昏夜走避無向方巨浪連山風更鼓
浣浣汨汨雨肩涼屋廬漂蕩全家沒其稍幸者乃有孤
兒嫠婦哭其傍嗚呼五歌子歌未闌不必眼見涕洟瀾
死者已矣生堪憫驚魂纔定沉酸引強奪弱餐祇為飢
母牽子售非由忍此時破屋已無依轉眼冬來更寒窘
嗚呼六歌兮歌將已不為空言徒罪已

誰云救災無善策盡一分心一分益截漕蠲稅粗示槩

調劑詳籌牧臣職倉儲庫帑莫吝慳墨吏豪胥戒侵索
嗚呼七歌兮歌悄終吾言有盡心何窮

振穰行

山莊迴蹕林猶綠一夜霏霜幻何速
兼以谷風颯沓之振穰須臾萬山禿
鹿叫榛烟失所藏幽禽下樹鷓鴣殘黃
平湖貼貼如湔錦奚必三湘七澤傍
宛轉忙飛更閒委憶六年前曾咏此
同時賡者存歿半况茲薄質胡可恃
避暑山莊晚秋

嵐氣千峯斂金風一谷寒
長空無點翳潦水盡澄灘菊
瘦緣依石松蒼不礙巒豁然憑縱目心與太虛寬

重九日侍

皇太后宴

樹杪雲標地鴻賓鹿侶天
巖齋臨繡野村景蕩朝烟節
以題糕設盃因獻

壽傳山靈應忭喜重見菊花筵

九日避暑山莊

九秋節駐九仙家追賞乘時意趣賒却勝前年臨紫塞
只緣今日對黃花

前歲塞外有九日無菊之作

遙吟俯暢澄天宇結

佩浮觴趁物華別有登高心慰處榆關外見好桑麻

灤陽別墅

巖齋瀟洒暫棲遲迴蹕欣當秋杪時岸際潦澄知水性
林間葉落見山姿

俯暢遙吟天宇寬捎檐竹籟憂輕寒宜人只有霜楓好
添得中峯幾疊丹

落葉驚風階砌填深秋烟景劇堪憐黃花不為重陽度
露染霜皴著意鮮

暗流激石鳴幽澗翠影扶松上綺窓洗滌塵根歸靜所
好叅聲色自撚撚

秋色隨宜境趣賒越於深處見清嘉萬山九月三間屋
不惹閒情長道芽

雨戲成一
韻體

剛覺詩題少山靈送雨霏應緣留宿宿便與駐駢駢
卷

牖峰無滓迎階菊有馥晴開雲巘迴盡境是耶非

小金山

每到小金山心神頓曠閒秋深逾覺好塞上薄言還霜
葉繽紛落烟蘿取次攀石橋凌碧漢擬欲叩仙關

御製詩初集卷四十三

欽定四庫全書薈要卷一萬三千三百十七

集部

御製詩初集卷四十四

古今體九十六首

丁卯八

讀杜詩

我讀杜詩亦已屢每一開編興會殊與造物遊不知窮
柳州所言謂是乎衙官屈宋徒自詡律警神鬼誠無如
尋章摘句祇陋耳抹月批風猶故吾

常山峪行宮晚秋

山容似畫淡彌趣秋色如詩老益工拾級丹梯塞霧砢
背屏翠壁晒霜楓

谷口風來聲覺壯溪頭潦盡影含清朝隣一縷因移石
去作白雲天外橫

峽峰無數入牕紗寫照窻前了不差正慮遙天無點綴
林邊恰噪晚歸鴉

急雨驅雲增暮寒秋英繞砌濕闌干遣懷不苦吟情溢
底用拈鬚一字安

山田

山田率有收其說頗嘗試陂陀易疏洩霖雨無憂積氣
潤蒸霧露便旱猶霑洎所以其生穀短莖而碩穗屈指
數年間五過乃豐四去歲山左歉賑恤亦云備所濟究
難遍災黎羣走避攜妻負其孩來者以萬計亦有筐盛
種或乃犁拖掙墾闢厥荒确謀食聊託寄長吏漫遮迴
輕去豈其志幸得免溝壑何分内外地幾見榆關外耕
作恣民意以此略為慰更復念不置聚者日以衆地利

已無棄穀賤則傷農天時况難必叶嗟嗟守牧臣豈不
深長思

曉行

寒峭霜蹄重長村復短村意行供攬結到處足鷄豚度
寺聞清磬停鞭愛曉暾石田租稅少無慮吏敲門

進古北口

鳴梢旋度玉關雄秋老林巖颯颯風回首龍庭程已杳
前瞻畿甸氣方蔥屏藩北界金湯壯來往南朝玉帛通

樓櫓堞垣須整飭由来設險重王公

侵晨策馬尚行霜關內暄妍迥異常似寄丹楓塞以外
便逢綠柳嶺之陽題糕數日纔過節納稼千村已滌場
何幸今年如舊歲長官湏計有餘藏

密雲縣行宮對月

朔塞返行旌離宮駐清蹕天籟發庭柯蟾輝入我室過
望輪尚圓戀秋情更逸盈匡經兩度来往渾一律鳥語
話疇曩蛩音助蕭瑟漸覺翠峰遙對此銀雲櫛隨時愛

景光夜牕聊點筆

關內菊花更佳率成一首

香色真無二風標只合閒依然臨曲砌宛與見南山露
重英猶馥霜輕葉未殷如何耐冷物也覺厭邊關

行漏

行漏丁丁朝復暮塞山磧坂於中度問渠消得幾光陰
密轉潛移只如故

秋麥

初秋發輒時金風蕩永泰西成喜匪遙黃雲經目覩朔
塞大蒐歸多稼滌場貯翻犁播麥種芄芃復如許相距
纔兩月農務易已屢叶勤勛莫過茲天時况難怙周覽
農家具同此識疾苦

茁隴蓬葱綠循觀聊展眉欣彼生意佳致我馬足遲未
覺繇霜侵仍餘瑞露滋劬農雖愜懷祈歲更厘思既願
冬雪足還蘄春雨時年來此際慰虛望或有之以此喜
與憂迭起無窮期人知玉食尊其艱誰得知

駐湯山行宮即事

於此得佳趣于焉駐旅鞍靈區自仙境暖液辟秋寒綠
柳色如故黃華芳未闌研精書室靜天定信隨安

向在書窓

顏額曰隨安今離宮別院亦以是名之

天空皎日明別院九秋清坐久懷前歲蒐還喜近京飭
農咨父老詢政覲公卿

是日京中王公九卿來接

得悉田多稼因之

一暢情

晴影入庭深池流引暗琴雪花噴龍口香穗發蘭心脉

脉符仁義溶溶鎮酌斟徘徊思浴德詎止滌塵襟

題董邦達倣李成茂林遠岫卷

古人絕材不可量吟咏之餘精繪事在唐王

維杜牧之宋

米芾蘇軾爾家思白曾標幟當其神來奪化工豈可形

肖求纖脩其次閻

立吳道本

及李成荆浩

元氏大家厥有

四各工其事遂造精要以氣韻為之帥此圖粉本出營

丘真蹟曾編能品類慘澹經營或過之乃知畫法首貴

意崇山峻嶺何穹窿崖枝澗葉相蒼蔚水閣開窓到底

清浮圖倚寺凌空際別有飛流走白龍下經石瀨珠璣
碎荒村略約更絕勝源中尚有秦人避溟溟濛濛堆濕
潤裝潢觸手虞霑漬我從山水窟中來愛此猶然看不
置求之古者原有契還慮後者難為繼繡縹金鐫得所
宜秋月春風永相寄

季秋養心殿

閱武揚鑾返北遑軒宮疇政驗辰星有秋歷覽登三輔
旰食惟期協九經溫樹延年餘翠影寒花正色發幽馨

灾黎陡憶吳淞郡廣殿高居敢自寧

詠壺盧器

壺盧器者出於康熙年間

皇祖命奉宸取架瓠而規模之及熟遂成器焉盥盂盥
盥惟所命蓋其朴可尚而巧亦非人力之所能為
也爰令園人倣為之既成題以句而識其源如是
累在栗薪烝陶人豈藉憑玉成原有自瓠落又何曾納
約傳遺製隨圓泯銳稜愛茲淳朴器更切木從繩

御門

禁門咨庶事常朝接羣彥銀蟾尚餘光蓮漏初停箭慄慄切獨懼魚魚偕衆選豈其旅進退寔以資匡贊坦平文石陞淨潔龍書案勗哉亮采儔佇爾嘉言薦

學字

硬黃閒搦適幾餘曦影溫暾上綺疏覆腕搶毫徒有法純絲裏鐵始稱書釵痕妙格曾聞古筆諫名言足起子研潔甌香書室靜忘懷彷彿十年前初

戲題盆菊

徒霑盃水潤不改傲霜姿
恰似柴桑老折腰五斗時

題董邦達倣荆浩匡廬圖

陶鎔靈運山居賦
隱括仲長樂志論
我欲拈題渾不得
晴牕靜對合忘言

因迴為高築
構宜溶溶夾鏡白
蓮池魚梁漲退沙紋活
虎落風來葉影隨

飛流得地作溪平
溪上偏宜略約橫
嘉爾說詩渾似鼎

笑他能畫不輸荆

雨餘峯色翠模糊溪壑天成意匠殊樂土桑麻真得所
照園梵貝只虛無

著壁常疑生紫烟幾層輞水漾淪連節簾日暖叅生動
興在鑪峰阿那邊

豐澤園嘉穀既獲命大學士九卿觀之兼成近體

八韻

我

皇祖以農桑為重於瀛臺之西別建一園黍高稻下左
右區分蠶屋桑疇後先相望驗田功而重本計貽
訓良深

皇考年舉耜田之禮每先期演耕於此予小子仰
聖踪之同揆其敢弗震茲當萬寶告成之際王畿遍覽
家法而旋越我美田亦登嘉穀對時有喜點筆成章
較晴量雨一年中家法厯農

聖聖同倬彼公田經

舜步欽茲本務對幽風三春于是青箱播九夏曾看玉
穗凡實好實堅欣始遇維糜維芑類皆充莖莖尺穗真
希見顆顆圓璣允化工快目稍酬祈國志因心敢懈凜
淵衷勤畊時既無逢歲山左江南可遍豐鷺序傳觀休
進頌先憂後樂事何窮

晚秋瀛臺即景

仗馬排芳岸遊龍達玉津
趯臺宛蓬閣香牋重逡巡
樹態踈添紫波光皎疊銀
誰云秋色老蘭苑鎮涵春

綺砌黃花秀蝦簾朱鳥晶篆烟徐遮馥芸帙靜含清巖
峽猶飛瀑池亭可泛觥暮蕭遊豫處著壁畫圖成
去歲賜宴
賦詩已命畫院繪圖壁間

補桐書屋率題

溫暾曉日一牕紅牕下工夫想像中昔日今時猶歷歷
補桐書屋自雙桐

枯枝早是中琴材

截舊桐為四琴亦於是室藏之

新榦扶疎翠影堆淨

几明牕重得句肯教虛度此頻來

石門松影鬱蕭森書室三楹倚碧岑階下淙淙鳴曲注
朱絃不奏亦琴心

瀛臺大理石屏歌

直方大幅出巖巒製為屏風陳座端不忘本來具神解
林嶺猶肖點蒼山琉璃不愚嫌巧脆錦繡纂組徒繁麗
豈如山骨堅且朴更不鏤斲致刊敝白質青文潤以腴
高低溪壑天然圖倪黃董巨稱妙手跡皴澹染終不無
廉而弗劇柔豈屈巍然猶是前朝物幾經海水復桑田

依舊春風更秋月

賦得太液秋風

蘭舟浮太液葭岸起秋風
感得波紋細分來日影融
偃蘆惟益白經蓼已辭紅
幾度濯清處吟懷迥不同

陰

秋麥種已遍秋雨早應時
千里覽茫茫停鞭欣可知
惟賴冬雪足伏氣日益滋
可使遺蛭深更耐春霖遲
此際纔秋杪少待猶及期
清晨報雲布疎密頻頻窺
倘邀六

雲霏亦稱三白宜譬彼望蜀人得隴慰已老又如未獲
蜀無慮隴失之年來祈歲心展轉凝雙眉望雲思雪意
聊復吟前詩

盆橘

碧葉圓籠雙疊絳實紛垂百枚又見盤山山色天成閣
裡移來

過淮為枳空傳洞庭霜色依然畫取曾憑率筆

甲子年
曾感為

天成寺
盆橘圖
懷將却憶前賢

李世倬自

孔廟視禮器迴路便圖泰山一峰以獻因題其上

景行積惻望

宮牆視禮先期命太常詎為嘉陵馳去傳却攜秦嶽入
歸裝天關虎豹常嚴肅松磴虬龍鎮鬱蒼便是明年登
眺處好教

雲日仰

仁皇

重華宮書室題壁

餞秋時節破冬初
旭影溫暾在綺疏
依舊年光經一紀
每從幾暇樂三餘
猊烟靄靄紫銀蒜
蓮漏泠泠滴玉蜍
靜憩非關叅半偈
暫教六欲少因祛

杜詩

杜詩於我有何緣
每一見之不忍捨
寒為衰日可宜冬
暑作雄風足消夏
於唐拔爾軼盧駱
在漢綽然媲班馬
清詞麗句空古今
一一皆從性中寫
嗚呼今而有其人

磬折吾當拜風下

漢玉璧

一泓秋水潁霞染疎列明星四五點何代連城出幽坎
設置秦臺能照膽東序大訓非廁忝相輝古色不可掩
尺璧非寶式前範

齋居

朶殿輕霜拂帝蘿齋居權喜政無多楓殷菊淡爭秋老
几靜牕明愛日和拈韻底須工祭懶學書不為換籠鵝

哀鴻陡觸蘇松澤轉瞬冬來計若何

董邦達倣王詵漁村小雪卷

蛤粉輕勻貌雪姿不教留白襲前為別傳寶繪堂中法

王詵有寶繪堂

宛見富春灘上時雁陣驚寒猶箇箇漁蓑耐凍

故披披蒼松強項撐雲表是客星耶繫我思

弘德殿

軒宮象紫垣璇籞接路寢居中撫八埏奉三育羣品儉
詒階尚土侈戒帷裁錦萬幾常自惕庶政於焉審但希

六幕調宵衣亦安枕

孟冬時享

太廟禮成有述

午門鼓響散晨光

凡祭日出午門皆鳴鐘
惟祭太廟則代鼓

太室脩烝繼履霜優愷心源承

一脉躬親祭典重三王宗潢執事邊鉏肅韶樂陳庭磬
管將詎止祈年蕪卜世繩繩奕禩奉箕鄉

頌朔

冬初頌歲朔

天道體貞元為識農功要非誇天子尊三正同六服玉
律自金門即看陽和近披來朱鳥瞰

倪瓚畊雲軒圖即用其韻

瑤機錦綉豈岱石底事開看薈蔚滿乃知妙筆奪化工
清閼倪迂突范緩嘉彼雲軒宛可居便藉天池試供盟
眠雲更憶玉鳴句

卷內有高季迪題五言絕三首又彼
徐賁眠雲圖亦有高題五言古歌

固非修此非短由來氣味有相合如響應聲條依榦

又和圖後題者韻三首

高人難屈指清辭會一處而我乃何緣亦此題雲樹

巖雲乍撥開杖策隱者歸歸軒設隱几作鶴傍雲飛

畊雲子為誰

圖後王穉登跋云畊雲子未詳誰氏

蓋似眠雲客重此晤青

丘俱來喜鳩鵲

護國寺

護國祇園已有年勝蹟靈踪傳日下

日下舊聞云大隆善護國寺都人呼

崇國寺趙孟頫書有碑寺為托克托丞相故宅今千佛殿傍立一老髯僕頭朱衣一老嫗鳳冠朱裳者托克托夫婦

也誰知今日梵王宇乃是前元丞相舍我屢經過未臨
顧問古尋詩其可罷初冬清蹕移御園道便琳宮一停
駕重扃獐有開明守曲砌明爭越綾研森然喬木蔭玉
墀紛若豐碑傍雲榭天人帝釋各殊相或喜而斷怒而
咤夜摩兜率六欲天其次修羅鬼王伯能仁端居乃無
為信有三摩司造化試思舍宅福何在墨胎翁嫗相看
乍幘頭鳳帔易舊裝祇博腐儒相獎借道同豈必繫衣
冠雀弁黃收異周夏北魏金遼率殷鑒謬云復古罪無

赦

北魏金遼及有元皆易漢衣冠者也不一二世而當陵夷衰微蓋忘本棄舊徒尚虛文雖復古何益耶

年燮理責難辭翁而有知首肯謝甲第潭潭富且宏周

覽規模增感訝隔街燕國有賜居其門如水纔三架

隔街

即大學士張廷玉之居故感及之

西直門外

滌圃千村納稼齊更欣早麥綠盈畦小陽景與初秋異

即事拈吟遲

去聲馬蹄

冬春雲子香排戶露韭霜松翠上盤一幅田家樂圖就

西山黛色白雲端

初望過而繼望疑

用喜雨句意謂今春滿望二麥與大田俱豐收繼而望雨未得恐大田之

並失後幸得雨大

城闔來往寄新詩待看高廩心方慰

田仍屬有收云

一歲都成祈歲時

題錢穀南城看雪圖

銀林紅寺遠參差
驢背風侵客路遲
却憶寒更吟白戰
范陽古道去冬時

初冬圓明園

文軒複閣小俄延
啟轡新秋倏已旋
兩月風光異爾許
初冬景色又依然
迎霜錦樹疎兼密
向晚黃華淡復鮮
每自靜觀知道妙
無停停處不遷遷

赴渚泉和萬籟吟
側聽俯瞰散幽襟
風依山送三分冷
葉向波沈半岸陰
畫奪天工神貴淡
詩探月窟思逾深
兩言於我誠何有
即景因之試體尋

即事

座近明牕日色柔
幾餘書史足延留
背秋無復頻尋菊

赴暖還教一放舟松古看偏宜伴鶴蘆殘笑已不藏鷗

可人詩憶浪仙句汲引心源得潔流

賈島詩云一日不作詩心源如廢井

筆硯為輓轡吟咏作縻綆朝來重汲引依舊得清冷語雖率而意則佳

縱目園林一暢情小陽景物乍堪評含風葉影蕭蕭下
怯凍波光潏潏明設使含生無往復那知造物有元貞
義經隨處叅消息萬象當前至理呈

沈周乳鷺圖即用其韻

襴褸弱羽學飛時為白為蒼未可期聽講每教隨慧遠

換書安得遇羲之

含經堂

築牆所戒雕構宇何須峻階迎花木幽室貯琴書潤珪
璋煥文府禮樂遵先進躬修企高堅氣質消鄙吝學後
知不足道豈蘄聲聞推行慙去聲前規憂盛撫鴻運惟此
恭默思畱畬守經訓

北遠山村

山村農事罷歷覽一怡顏稊穗篝車滿桔槔溪町閒牆

根松尚綠鴈外樹全殷樂土真堪繪因思寓縣間

項元汴竹石

踈篠依文石天然稱主賓壽星傳古貌玉局是前身

元汴

自記寫蘇長公壽星竹云云

豈向秋而瘦端為靜者倫即看張屋壁

个个掃烟新

初冬香山

名區信是出凡塵幾度清遊興會新景向淡中宜藻績
山從老處見精神籟聲出樹鏗鴻樂旭影依牕釀小春

槐落楓稀添颯沓頓教留綠愛霜筠

芸牕日午向陽開野色嵐光待品裁不是有心餘結習
可能無句記茲來背秋三徑猶存菊衝雪千巖獨少梅
清蹕漫云纔信宿明年花事重相催

皋塗精舍作

精舍小依遲名山冬稚時一雙耐冷鶴幾个掃霜枝澗
底泉淙細雲端峯疊奇閒評更幽討信是四時宜

題董其昌山水卷

已傳北苑超羣法更得南宮三昧奇

其昌自跋云北苑好作烟景余於米

芾瀟湘白雲圖
畫家三昧云云

底事迎眸堆濕潤楚江烟雨動經時

錢舜舉山居圖長卷

未聞巢由買山隱巢由隱處定名山五畝之園千古計
數椽草堂終日閒高賢羣結忘年友舊句應同半偈刪
鉅觀豈必傳靈運吾亦遊神於此間

玉華寺晚桂

塞垣早度中秋節將謂虛拋桂子香驚嶺小留冬日嫩

依然晚對鬱金黃
盆梅乍可同欺雪
圃菊方看獨傲霜
擬改尋常花月令
招搖合有四時芳

香山宿月

山中宜宿月
冬月亦可人
巖齋此掃榻
嶺啣半弓新
時孟

冬上寒影踈薜蘿
幽籟搖松筠
閒庭白如霜
窪水明似

銀
尋勝不慮冷
得句迫絕塵
丹崖栖娥駕
宛逢脩桂倫

聽法階下松
指月傳來真
淙淙瓔珞巖
輞水動連淪
月栖

崖聽法松
瓔珞巖香

光與月上下
難分踈復親
遠火時

山二十八景之三

明滅如豹犬吠頻少讀摩詰書惟知愛其文何期今夕
景一一如所云

曉景

晨登香山寺

香山寺亦二十八景之一

山殿朝陽曉石磴穿雲上

上聲

銅鉦見雲表噴薄聞山泉候暖冰霜少聊因賞烟霞遂
與窮窳窳花龕禮能仁無言自了了

初冬香山雜詩

稀微紅葉餘霜色幽咽銀泉作凍聲漫擬山深寒更峭

小陽剛稱試春行

松下鶴安寒月夢磯邊魚怯蕩凌波風林乍看驚搖落
古致槎枒賸老柯

且攜謝氏高低屐試賞倪家淺淡山裁覽漏移過日午
無妨一趁片時閒

為愛林泉小憩遲烹泉古鼎爇枯枝拈題適得清之趣
觸目全快靜者思

晞陽阿

此處亦常來未比別峰殊問景值嚴節始識其妙夫陰
嶺闢圓戶石林得仄途匝匝玉屏圍避風靜霜林溫暾
金鳥臨送暖烘冰鬚晞陽坐雲窩曠覽恣清娛即景思
趙衰况予司化樞

摘玉華寺晚桂恭進

皇太后并為圖而繫以詩

和仲行冬風意饗皋塗枝上駐春豪獻來

萬壽嫦娥桂欣傍三千

王母桃香逐祥飈噴玉屑潤霑寶露裛天膏平鋪金粟
名成圖金粟生意昌昌颺綵毫

項聖謨東籬佳色

白露為霜以後松陰梧影之間

聖謨自記寓於松陰梧影之間

又見幽

人古貌飄然綠鬢蒼顏

關仝寒山行旅圖

來往何紛沓關山自遷迤步餘霜跡白望裏峰容紫沽
酒向茅棚問渡愁野水妙矣畫中趣悠哉畫外旨誰非

行旅人謁然獨傳此

秉燭

秉燭天將曉問

安長樂迴

起居欣適豫靜待萬幾來

倪雲林秋林山色圖

元稱四大家逸品推倪迂師承自北苑筆與造化俱小
景夙所見秋林位置殊一掃了了習不失太古初堯峰

既隱軫雌霓時卷舒疑有風吹林已見波縐湖不寧供
遊歷此中乃可居畫禪大法眼豈伊邪許徒圖有董其昌跋甚詳
因憶喬林喬未識漁莊漁見董跋得隴而望蜀知足其誰
乎呵凍誌長言聊以適三餘

曉起

冬夜難為曉及曉轉益駛卯牌猶秉燭無何報辰矣晏
朝古所戒宵衣乃正理獨是造朝人每至五鼓起夙興
固其宜患怨或不爾設使稍假藉怠荒風更靡始知美

善無自古為難已有利必有弊萬事皆如此

昭仁殿

乾清宮之東籞為昭仁殿

皇祖在御時日夕寢興之溫室也朕弗敢居焉乃貯天
祿琳瑯宋元鑄本於內時一徘徊曷勝今昔之思
芸帷木榻想貽渥

聖日常懸麗栱板六十一年茲惕息百千萬世永昭仁
好書敢謂承

先志新德惟期澡我身簷嚮周廬列書室

昭仁殿正對
上書房諸皇

子讀書
處也

每聞佔畢達楓宸

冬前勾決重囚惻然有感

生物天地心循環運貞元肅殺與生長迭用徵化權奉
三百王道善長在體仁不得已明刑弼教意有存元冥
已司令西曹封事傳囹圄諸重囚勾決例冬前三覆敕
給事衆議集閣臣嗟嗟爾羣工敬聽予一言其諸邪淫
流實因風俗利益亦豈其願為迫飢與寒我爾應試思

致此誰之愆慙愧之未遑更何容心焉死者固已矣曲
求生者全非理得倖生誰伸死者冤永惟歐公文三復
增惕乾

題王謙梅花

水部風如何水部

此王謙圖以贈吳工部者同時方冕
題云水部當年省墓回王郎圖贈一

枝梅
云云

王郎筆勝宋王郎

謂王
淵也

若教風裊簾旌動定有蜂

窺壁上香

管道昇枯木竹石

霜葉烟梢氣味同
頽然文石竅玲瓏
愛他寫意閨中秀
宛爾傳神林下風

題王淵竹鳥圖

野竹可醫俗
幽禽不識名
風來渾欲動
春入定能鳴

冬夜焚香

古人秉燭遊
晝短苦夜長
焚膏繼晷者
乃愛分陰強
今夕復何夕
急景冬未央
瓊芳已歇
芸閣編且藏
靜深就溫室
坐倚便匡牀
喜對博山古
聊焚鷓鴣香
離合參

枯禪代謝惜年光憶我十年前得句學錦囊

舊作有仿李賀體燒

香狡獪久不為結習原如常

陰

蒼蔚寒雲傍晚濃凝眸久立自鳴鐘若教瑞雪初冬薄
却勝甘霖三月逢滿意潤霑郊外麥饒他景益禁中松
新來大邑瓷如玉待沃三清作靜供

舊作三清茶詩今製瓷盞用雪水煮

茶竄為清供

闡福寺大佛詩用去歲真定隆興寺禮大佛詩韻

我聞如來超過一切圓覺與聲聞天上天下稱獨尊弟
子萬二千人俱孰登其堂孰入門三身四智定何有如
水印月空寫雲四十九年未曾說一字文殊大士何乃
請再轉法輪乃今巍巍堂堂現實相橫遍沙界其高傑
豎窮蒼旻圍繞提婆那伽與其眷屬各肅肅蹴踏閃多
伽耶及諸異類旡紘紘儵忽纔鑿七竅混沌死異哉千
手千眼誰與為疎分憶我去年巡冀野時則十月星乃
辰隆興古寺問象教佛香高閣瞻金神屏息不能一詞

贊倚欄聊息塵中身歸來落成值此寺是一是二徒云
云久欲成詩頌相好其如萬慮常縈塵穿池曾未聚衛
士督工奚用命將軍翼然五亭臨水裔勝國遺跡今猶
存薄伽演梵五乘具

慈寧祝釐一念真其旁瀟灑築書室研席清事還堪論
徘徊得句賡舊韻所欣俯仰迹成陳黏壁聊復記時日
歲惟丁卯月小春

倣東坡壽星竹法恭祝

聖母慈壽

底論山陽與渭川琅玕个个掃晴烟壽星傳得東坡法
瑞應西池介

壽筵

冬至

南郊禮成述事

子月一陽旋

天心即見焉肅恭修大祀陟降儼

皇乾至日三丁會

是歲丁卯年十一月丁亥朔
越二十一日丁未冬至云

明禋百

辟虔告功逢歟屢彌益凜

去聲

祈年

雪

時臘月
望日

經冬翹望寤興中瑞葉欣看乍舞空及臘霏霏慰心所
祈年切切憶田功鴛樓簷齒稍融日雞樹枝頭緩度風
齊豫麥疇曾否遍倚吟卜度意何窮

除夕

金猊栢霧靄璇霄碧樹紅輪下綺寮三百六句中一日

迎新送故會今宵珠盤鈿盒頻頒荔玉管鸞牋待頌椒
歲事經年重細檢惟慙玉燭大鈞調

御製詩初集卷四十四

欽惟我

皇上亶天縱多能之至德邃日新不已之神功

聖學粹精

宸藻炳蔚

樂善堂全集之刻既已陶鑄風雅含孕典謨光被海
宇爭先作覩矣粵自

御極以來撫辰熙績疇咨僚采一日萬幾胥待理於
淵衷之宥密仰惟

宵衣旰食之勤自朝至於日中昃勞亦至矣而操觚
拈韻動千百言且日以為程如天之有行未嘗
間息十餘年來

存稿之積文筭者盈四千餘篇臣等及在廷臣工以
校刻

御製文集請者概却不行迄己巳初夏乃奉

命擇詞臣中善書者繕成巨帙藏之內廷且曰朕非
欲與文士爭長恐其久而益多也不可散而不

收稍為詮次亦因以觀翰苑諸臣書法云爾臣
等嘗恭聆

聖諭曰結習難忘若三日不吟輒怳怳如有所失又
諭曰逢時清晏聊以自怡正樂此不疲也蓋

聖意之謙沖如此臣等日侍

直廬數荷

宣示莊誦玩索或

鴻裁巨製力健舉而有餘或託興短章致悠揚而不

盡或擬古而效其體或俯和而用其韻莫不辭
理淵妙暉麗日月牢籠天地迴出於言語思議
之外而犁然各當於人心當

興會所屬風發泉涌筆不停綴落紙如飛應龍騰空
卷舒莫測乃至

清蹕經臨六飛甫駐乍拂征塵旋御牋翰昔人所云
成誦在心借書于手尚未足以形容萬一也至
於發難顯之情周難窮之隱臣等百思不能及

者

皇上神機密運表裏洞達而無餘臣等數百言不能

悉者

皇上涉筆所至情理兼到而曲盡臣等私竊擬議書

曰思曰睿睿作聖記曰不思而得不勉而中從
容中道聖人也明睿所照不待思勉而從容自
然臻於至道全體大用隨處發見形于文字者
特其一端耳而

精能之極造於神奇有非鑽仰所能窺名言所殫述

者臣等叨與校字得挂名末簡榮莫甚焉臣張

廷玉臣蔣溥臣梁詩正臣汪由敦臣劉統勲臣

介福臣錢陳羣臣嵇璜臣觀保臣高壽臣董邦

達臣金德瑛臣張若澄拜手稽首恭跋

御製詩初集恭錄告成大學士率臣等恭跋臣溥既
榮幸列名欽惟我

皇上執中建極脩道敷文

樂善堂全集久已信今傳後

御極以來

聖學日進無疆幾務餘閑詩篇尤富臣以中外仰望
敬錄校刊伏念我

皇上敬

天法

祖勤民愛物時切為君難之一心其形諸歌詠者特流露之一端然而積日可按積月可攷積歲可稽

凡問

安視膳

省方講武周咨農事

勸戒臣工及大禮大典之所在固已持盈保泰三致意焉若夫晝夜寒暑之感乎時日星風雲之感

乎象鳥獸草木蟲魚之感乎物理情宣志無體
不遺而覽蹟攷器法鑒攸存陟嶽觀泉豫遊斯
托以迨評品書畫與夫

宸翰自題有為文人學士百思而不能到者偶爾及
之皆以傾瀝液而漱芳潤矧惟

聖心因物付物拈毫立就文不加點如天造地設臣
幸列

內廷親覩

天藻之敷華神機迅速冠古超今蓋夫

乾綱靜握密運萬幾時措咸宜天人協應而詩固其
一端也至於體裁家數神明規矩靡所不包而
開闢變化生生而日新古體則春容浩瀚今體
則清麗沈雄此則有耳目見聞言思擬議之所
不能盡者而援据淵博運用契合神理超逸意
味醞藉不特以篇什之富為綱舉百家孕含萬
彙也方今海內乂安禮隆樂盛我

皇上勅天基命詠歌具在蓋總四千一百五十有奇
之篇夫固曰悉本於為君難之一心而已矣臣
之敬刊

御集也思慰一時之仰望而垂千古之訓行固將使
天下文人學士識所依歸抑亦我

聖子神孫億萬年所奉為標準者矣而由茲托始編
續將來臣與諸儒臣之校錄正未有艾夫太子
必保尚書臣蔣溥拜手稽首恭跋

欽惟

皇上生知性成時敏典學其修辭立誠而發為文章
者固如雲漢之昭回于天山川之經紀于地矣
迺以其餘事形諸篇什洵足鎔鑄千秋渾涵萬
象其炳烺煌煒之風有同符于中天二南之極
盛者臣嚮以有韻之語受

九重特達之知久侍

講帷近光

帝德茲于蒙

恩歸老之餘

特命徧讀

御極以來詩集披繙檢閱五夜咀吟自對越

天

祖孝敬

慈寧以及修明政治興起教化咨警臣工勤卹民瘼所以建有極而正萬方者隨所感觸而歸諸攄寫


之中即小而登臨憑眺鳥獸好音之過耳草木
榮華之飄風亦皆因物寫情因言見道凡古帝
王卿雲糾縵之賡歌蕩平正直之彛訓槃孟戶
牖之箴銘解慍阜財之絃誦有流溢自然而融
洽元化者已從來登岱嶽者有小天下之觀泛
瀛海者有難為水之喻以立乎其極羣嶽不能
不推為宗長江漢不能不處于朝宗也恭讀

聖藻同體沖漠含蘊高深如登日觀之峰如沂鳳麟之

域有神遊于意言之表而莫贊一詞者不可見
聖人之天縱多能也耶惜臣質鈍學荒而又年將八
秩螢光燭火縱被日月之照臨有不能易閤湯
為光華者矣惟是際



邳隆之世覩德業之成而又沐浴文明之化臣雖退老
田間不啻游泳于中天二南賡颺歌誦之盛所謂下
舞上歌蹈德詠仁者乃于耄耄之年而遇之臣不勝
榮幸之至原任禮部右侍郎臣沈德潛敬跋



總校官庶吉士 臣侍 朝
校對官編修 臣朱 攸
謄錄監生 臣竺昌基

財團
法人
佛陀教育基金會
釋淨空
敬贈

